
Данғара туманида “Қишлоқ хўжалиги ходимлари куни” муносабати билан тантанали байрам тадбири бўлиб ўтди.

Данғара туманида “Қишлоқ хўжалиги ходимлари куни” муносабати билан тантанали байрам тадбири бўлиб ўтди.

Тадбирда секторлар раҳбарлари, илғор фермер ва деҳқонлар, механизаторлар, сувчилар, тажрибали томорқа ер эгалари, соҳага хизмат кўрсатувчи ташкилотлар ва қайта ишлаш корхоналари вакиллари иштирок этди.

Байрам тантаналарида туман ҳокими сўзга чиқиб, жорий йилда туманда қишлоқ хўжалиги маҳсулотлари етиштириш кўрсаткичлари, соҳани инновацион ривожлантириш, ҳудудларнинг экспорт имкониятларини ошириш борасида қўлга киритилган ютуқларга тўхталиб, барчани байрам билан муборакбод этди.

Тадбирда бир гуруҳ қишлоқ хўжалиги соҳаси, хизмат кўрсатувчи, таъминотчи, қайта ишлаш тармоқлари ходимлари фермер хўжалиги раҳбарларининг самарали меҳнати, эришган ютуқлари, соҳанинг ривожига қўшган муносиб ҳиссаси учун туман ҳокимлигининг фахрий ёрлиқлари, қимматбаҳо совғалари билан тақдирландилар.

Тадбирда туман маданият бўлими ходимлари ҳамда юртимизнинг таниқли санъаткорлари томонидан ижро этилган куй қўшиқлар байрамга ўзгача руҳ бахш этди.

2024-12-24 19:26:21